

Baujhoh Duzroeg

保护鸟类

Ngoenz ronghcingx raeujrub ndeu, Daegmingz caeuq dahcej de bae gunghyenz guhcaemz.


Gyoengqde youq ndaw gunghyenz doq menhmenh byaij, doq yawj gij gingjaek gyaundeidei ndaw gunghyenz. Sawqmwh, raq sing roeg heuh ndeidingq ndeu, dazyinx gyoengqde haeuj giz dieg gyaundeidei daemxdingj ndeu bae lo. Gyoengqde riengz gij sing roeg heuh ra raen duz roeghenj dwggayez ndeu, de cingq doq ciengqgo doq youq gwnz nyefaex angq dwk diuq bae diuq dauq ne! Gij bwn duz roeghenj henjndongq henjndongq, lumj daengx ndang nem gim nei hawj vunz sim maez, de miz doiq da iq ndongqliglig ndeu caeuq aen gyapbak youh henj youh iqet ndeu, geijlai gyaundeidei ha!

Daegmingz daj ndaw daeh mbon ok aen danzgunz caeuq gij lwgyienz vanzgi doiqcinj duzroeg, ngamq yaek nyingz okbae, dahcej caemjcanj haeddingz de: “Duzroeg dwg baengzyoux ndei raeuz, duzroeg gawq ndaej daeuq raeuz riu, youh ndaej bang raeuz gaeb duz nonhaih, raeuz wnggai baujhoh duzroeg!”

Daegmingz dingq le naj nding lo, najmong dwk sou dauq aen danzgunz oet haeuj ndaw daeh bae, sim siengj: Dahcej gangj ndaej deng, raeuz wnggai baujhoh duzroeg.

Daegmingz caeuq dahcej mbouj ok sing ndwn youq laj gofaex, laebdaeb bae dingq gij sing roeg heuh.

(sam nienzgaep Vungh Yijinh raiz Dahdingz hoiz)



Bouxvunz Gou Ceiq Gyo'mbaiq—Daxmeh

我最感谢的人——妈妈



Ciuhvunz raeuz gij vunz aeu gyo-mbaiq miz lailai, raeuz aeu gyo'mbaiq lauxsae gaenxgyaek son'gyauq、gyo-mbaiq baengzyoux haeujcoengh、doengz-hag bangcoengh, vunzranz caenicik gujli caeuq haeujcoengh……mboujgvaq bouxvunz ceiq wnggai gyo'mbaiq dwg bohme h raeuz, dwg gyoengqde hawj raeuz sengmingh, hawj raeuz aen ranz raeujrub ndeu. Vihneix, doiq gou daeuj gangj, bouxvunz gou ceiq gyo'mbaiq dwg daxmeh.

Daxmeh gou mbouj miz faj naj gyaundeidei lumj mingzsingh nei, mbouj miz aen ndang reuxred lumj mozdwx nei, mbouj miz byoemgyaeuj ndaemndwt raeuzrwd. De cijmiz daengx naj nyaeuq-

nywd, cijmiz aen ndang cangqcw, cijmiz byoemgyaeuj hawqgyo. Hoeng youq ndaw sim gou, de ciengxlwenx dwg ceiq gyaundeidei. Yienznaeuz de mbangj seiz doiq gou yiemz, hoeng de dwg vihliux hawj gou ndaej dwk ndei gij giekdaj daengzcog. De mbouj sij ndaej cawx saek geu buh gyaeu, cix naeuz rom cienz hawj gou caeuq daeggo doeg daihhag.

Daxmeh dwg bouxvunz gwnz seiqgyaiq ceiq hungmbwk、ceiq fouzsei. Dwg daxmeh hawj gou fouq makda ndeu, hawj gou miz

mbat seizgei hai da yawj seiqgyaiq; dwg daxmeh hawj gou faj bak raeuzrwd ndeu, hawj gou gangj ok gij vah rwenzred; dwg daxmeh aeu hawj aen ndaeng ndei yawj, hawj gou nyouq daengz le gij vahom ndawbiengz; dwg daxmeh hawj gou doiq rwz ndeu, hawj gou dingqnyi gij singyaem ceiq gyaundeidei ndawbiengz; dwg daxmeh hawj gou song faj fwngz lingzgiuj, hawj gou hag rox le raiz mingzcoh bonjfaenh. Miz boux vunz ndeu hawj raeuz rox gyauez dwg geijlai hungmbwk, haenx couhdwg daxmeh. Ndigah, daxmeh, gou caen gig gyo'mbaiq mwngz.

(sam nienzgaep Moz Yij raiz Dahdingz hoiz)

Lwgvuengziq hajrumz baezmoq. Mbouj ndaej raen daengngoengz doekconghe de doekcaw lai. De miz di mbwq bae, liux cix doiq guekvuengz naeuz: “Hoiq youq gizneix mbouj miz gijmaz baenzliuh lo, hoiq deuz gonq.”

“Gaej deuz!” Guekvuengz aenvih miz boux lwgminz neix cix ndaenggon fwngjfwngq lailai, naeuz: “Gaej deuz! Gou minghlingh mwngz guh haklaux.”

“Haklaux gijmaz?”

“Haklaux guenjfap.”

“Hoeng gizneix mbouj miz saek boux vunz saemjbueng ne!”

“Mbouj bw, miz bw.” Guekvuengz han naeuz, “Gou caengz ndaej liebyawj doh lajbiengz, gou geq gvaq, gizneix youh mbouj miz dieg daengx cimax, byaij roen baeg dangqmaz.”

“O! Hoiq ndaej yawj gvaq.” Lwgvuengziq mbiengj naeuz mbiengj baeng ndang coh baih singgiuz cim liux cim moq. “Baihde caemh mbouj miz saek boux vunz ne.”

“Yienghneix mwngz cix saemjbueng ndanggaeuq.” Guekvuengz han naeuz. “Saemjbueng ndanggaeuq hoj dahraix bw. Saemjbueng ndanggaeuq hoj gvaq saemjbueng bouxwnq lailai bw! Langhnaeuz mwngz saemjbueng ndanggaeuq saemj ndaej goengcingq, hauhneix mwngz cix dwg bouxgvai bouxlek dahraix.”

Lwgvuengziq han naeuz: “Hoiq youq gizlawz cungj saemjbueng ndanggaeuq ndaej, mbouj hoj youq

gizneix ne.”

Guekvuengz youh naeuz: “W…… W……Youq gwnz aen singgiuz gou miz duz nou ndeu. Gyanghaemh gou ndaej nyi sing de. Mwngz bae saemjbueng de, bueng de dai goj ndaej. De dai roxnaeuz lix goj caih mwngz bueng. Daeuzvah, mwngz baezbaez cungj deng mienxcoih de, aenvih gizneix miz duz nou dog neix ndwi.”

“Hoiq mbouj ngah saemjbueng fwx dai ne, gou deuz ndei gvaq.” Lwgvuengziq han naeuz.

“Gaej deuz! Gaej deuz!” Guekvuengz naeuz.

Lwgvuengziq laemxsim deuz lo, hoeng de mbouj yaek hawj guekvuengz doeknaiq lai, yienghneix de cix

naeuz:

“Langhnaeuz guekvuengz muengh hoiq ei gij minghlingh bae guh,” Lwgvuengziq naeuz, “yienghneix caeuj cix roengz diuz minghlingh hablex ndeu, lumjnaeuz minghlingh hoiq mbouj ndaej nanz gvaq faen cung ndeu deuz, hoiq nyinhnaeuz minghlingh habcingz hablex……”

Guekvuengz mbouj guhsing, Lwgvuengziq aenggyaengj yaep ndeu, liux cix gyangz mbat he, yamq din byaij deuz lo.

“Gou nyaemh mwngz guh daihsawj.” Guekvuengz swenjyauyau naeuz.

Guekvuengz yawj hwnjdaej vifungraixcaix.

Lwgvuengziq mbiengj byaij mbiengj gangjsebseb: “Bouxlaux geiz-

heih dahraix!”

Cib It

Youq gwnz aen singgiuz daihngaih miz boux vunz luemjrog ndeu.

“Yo! Yo! Ndei lai bw! Miz boux vunz baiqfug gou ndeu daeuj cunz gou lubw!” Boux vunz luemjrog neix baez yawjaen Lwgvuengziq byaij gvaqdaej, lij youq gizgyae'gyae cix hemq naeuz.

Youq ndaw saida bouxluemjrog, bouxwnq cungj gingqbaix de.

“Mwngz ndei!” Lwgvuengziq naeuz, “Aenmauh mwngz geizheih raixcaix.” (14)



Lwgvuengziq



bouxraiz Swng'aighwzshbeilij bouxhoiz Luz Fwncangz

圣埃克苏佩里 著 卢奋长 译